

Uunga siunnersuut: Tarnimikkut nappaatilinnik kiffaangissusiaaneq allatigullu pinngitsaaliissummik iliuseqarneq pillugu Inatsisartut Inatsisaata allangortinnera pillugu Inatsisartut inatsisaat nr. xx, xx. xxx 2015-imeersoq

(Pinngitsaaliissummik katsorsarneqarnermi eqqarsarfissinneqarneq, Napparsimasunut siunnersortinik atorfinitsitsisarnermi aalajangiinissamut pisinnaatitsineq, Maalaaruteqartarneq aamma eqqartuussivilersuussisinnaaneq)

§ 1

Tarnimikkut nappaatilinnik kiffaangissusiaaneq allatigullu pinngitsaaliissummik iliuseqarneq pillugu Inatsisartut Inatsisaanni nr. 24-mi, 3. december 2012-imeersumi makku allangortinneqarput:

1. § 12, *imm. 6* imatut oqaasertalerneqarpoq:

”*Imm. 6.* Pinngitsaaliissummik iliuseqartoqarnissaa pillugu nakorsaanerup aalajangiinissaa sioqqullugu *imm. 5* malillugu, napparsimasoq naammaginartumik piffissalerlugu, katsorsartinnissamut akuersissuteqarnissamut napparsimasoq qanoq kisaateqarnerluni eqqarsarfissinneqassaaq. Eqqarsarfissiinneqarneq naleqquttumik sivisussuseqassaaq, ullulli pingasut sinnernagit napparsimasoq eqqarsarfissinneqassaaq.”

2. § 30, *imm. 1.* imatut oqaasertalerneqarpoq:

”Pinngitsaaliilluni iliuseqarnerit tamaasa pillugit paasissutissiineq, takuuk. §§ 5- 10, § 12, § 17, §§ 19 – 22, malillugit pinngitsaaliissuteqarnerup malitseqartinneqarnera, § 23 naapertorlugu nakorsaatissamik innersuussinerni tamani, § 24 nalunaaquttap akunnerinik 24-nik sivisunerusumik ataannartumik inummut namminermut immikkut nakkutilliinermut tunngatillugu aamma § 26 , akuliunnerup erseqqinnerusumik imarisaa tunngavilersuutigineqartorlu oqaatigalugit immikkoortortaqaarfiup pinngitsaaliinikkut iliuitsinik nalunaarsuiffiinit ilanngunneqassaaq. Pinngitsaaliilluni iliuitsit immikkoortortami nalunaarsuivimmut allatorneqartut assilineqarneri taamaalilluni aamma napparsimasoq pillugu allattugaatinut ilanngunneqassapput.”

3. § 33, *imm. 3-4* imatut oqaasertalerneqarput:

”*Imm. 3.* Siunnersortinngortinniagaq pillugu oqaaseqaateqarnissamut napparsimasoq periarfissinneqassaaq. Nalunaarsuiffimmi allassimasumik allamik siunnersorteqarnissaaq napparsimasup kissaatigippagu, sapinngisaq naapertorlu kissaataa akuerineqassaaq. Aalajangiineq Kalaallit Nunaanni Eqqartuussivimmi Eqqartuussisumut naammagittaalliutigineqarsinnaavoq.

Imm. 4. Napparsimasunut siunnersortit nalunaarsorsimaffianni allassimangitsumik siunnersorteqarnissi napparsimasup kissaatigippagu, *imm. 2* naapertorlugu nalunaarsuiffimmi tullinguuttoq utaqqiisaasumik siunnersortinngortinneqassaaq. Napparsimasup toqqagaata siunnersortinngorsinnaanera Kalaallit Nunaanni Eqqartuussivimmi Eqqartuussisup aalajangiivigissavaa. Napparsimasup kissaataa akornutissaqanngippat akuerineqassaaq.”

4. § 43, imm. 3 imatut oqaasertalerneqarpoq:

”Imm. 3. Maalaarutit § 39, imm. 3 naapertorlugu, Tarnimikkut Nappaatillit Maalaarutaannik Aalajangiisartut naliliinissaasa tungaannut pinngitsaaliilluni iliuuseqarnermut kinguartitsissutaasinnaasut, maalaarutip tiguneraniit ullut arfineq marluk qaangiutsinnagit Tarnimikkut Nappaatillit Maalaarutaannik Aalajangiisartut aalajangiivigissavaat. Maalaarutit allat Tarnimikkut Nappaatillit Maalaarutaannik Aalajangiisartut sapinngisamik piaarnerpaamik aalajangiivigissavaat. Maalaarutip tiguneraniit ullut 14-it qaangiutsinnagit aalajangiisoqarsimangippat, Aalajangiisartut tamatumunnga patsisaasoq kiisalu qaqugu aalajangiisoqarnissaa naatsorsuutigineqarnerneq pillugit, napparsimasumut siunnersortaanullu ilisimatitsissutigissavaat.”

5. § 44, imm. 1 imatut oqaasertalerneqarpoq:

”Imm. 1. Napparsimasup siunnersortaataluunniit noqqaassuteqarneragut, pinngitsaaliissummik unitsitaaneq, pinngitsaaliissummik tiggummigallagassanngortitsineq, uninngavimmut utinngitsoortumik pinngitsaaliissummik utertitsineq, pinngitsaaliissummik katsorsaaneq, § 17 naapertorlugu angerlartitaareersumik pinngitsaaliissummik malittarinninneq, nukersorfiginninneq, napparsimasoq illersorniarlugu pinngitsaaliissummik aalaakkiineq, nal. ak. 24-t sinnerlugit ataannartumik immikkut nakkutilliineq, matunillu parnaarsineq pillugit aalajangikkat, Tarnimikkut Nappaatillit Maalaarutaannik Aalajangiisartut aalajangiussatik Kalaallit Nunaanni Eqqartuussivimmi Eqqartuussisumut tunniutissavaat. Suliap Tarnimikkut Nappaatillit Maalaarutaannik Aalajangiisartunit aalajangiivigineqarneraniit sap.ak. 4 qaangiutsinnagit Kalaallit Nunaanni Eqqartuussivimmi Eqqartuussisumut suliap tunniunneqarnissaanik kissaateqarneq saqqummiunneqassaaq. Kissaateqarneq kingusinnerusukkat saqqummiunneqarpat, suliap Tarnimikkut Nappaatillit Maalaarutaannik Aalajangiisartunit aalajangiivigineqarneraniit qaammatit 6 tikillugit Kalaallit Nunaanni Eqqartuussivimmi Eqqartuussisumit immikkut ittumik akuerineqarsinnaavoq, piffissaliussap unioqutinnissaanut immikkut ittumik pissutissaqarpat.”

§ 2

Inatsisartut Inatsisaat atuutilersinneqarpoq ulloq 01. september 2015.

Imm. 2. § 33, imm. 3, naapertorlugu maalaarutit aalajangiiffigineqarneri inatsisissatullu allannguutip atuutilernissaa sioqqullugu kredsrettimut qinnuteqaatit tunniunneqartut aamma § 33, imm. 4, naapertorlugu saqqummiunneqartut inatsisitullu allannguutip atuutilernerani suliarelugit naammassineqanngitsut, Kredsrettimi naammassillugit suliareqassapput.

Namminersorlutik Oqartussat, ulloq xx. xxx 2015

Kim Kielsen